

秦併六國平話

泰併六國平話

秦併六國平話

——秦始皇傳

上海古典文學出版社

秦併六國平話

上海古典文學出版社出版
上海市書刊出版業營業許可證出零壹捌貳號

(上海康平路一五五號)

上海市印刷三廠印刷

(上海香港路一七號)

新華書店上海發行所總經理

一九五五年六月第一版上海第一次印刷
字數：六一、〇〇〇字 印數：〇〇〇—一、二〇〇冊
開本：七八七乘一〇九二耗紙二分之一印張：三又十六分之十三
類別：文學—小說 書號：第十號 定價：三角四分

定價三角四分

目錄

秦併六國平話卷上

周平王下堂見諸侯

楚王會五國大王

王翦敗張晃

鄒興射王翦

王翦回軍見帝

秦王交兵與王翦

嚴仲子求救兵

趙將殺匈奴

李牧退番兵

司馬尙奏李牧反

秦併六國平話卷中

始皇出詔併六國

六國興兵伐秦

周光刺王翦

楚王會議退秦兵

韓國惠王薨

王翦攻城誅倒韓王

王翦滅韓國

馬亂吞秦狼主

始皇令王翦伐趙

趙王賜李牧死

秦將虜趙王滅趙國

荆軻刺秦王

秦將索燕丹太子

燕王賜太子死

魏國修城

王賁收魏回秦

始皇送王翦征楚

王翦伐楚班師

秦併六國平話卷下

.....

太子送荆軻入秦

秦王遣王翦伐燕

燕使獻首級

始皇納燕地圖金寶

李信斬龍離足

秦楚交戰

王翦滅楚國

蒙恬殺死石凱

秦齊大戰

高漸離扑秦王

始皇封大夫松

焚書坑儒

燕王投虜

齊王出降

李斯諫逐客

張良打始皇車

始皇崩沙丘

李斯詐詔殺扶蘇蒙恬

秦二世居禁中

酈生謁沛公

沛公當道斷蛇

斬李斯父子

秦子嬰殺趙高

秦併六國平話卷上

詩曰：

世代茫茫幾聚塵，閑將史記細鋪陳。

便教五伯多權變，怎似三王尙義仁。

六國縱橫易冰炭，孤秦興仆等雲輪。

秦吞六代不能鑒，且使來今復鑒秦。

鴻蒙肇判，風氣始開。以揖讓而傳天下者，盡說唐、虞，以征伐而取天下者，盡說三代。夫三代者：夏、商、周也。夏禹王得舜帝禪位，立國爲夏，傳一十七代，享國得四百三十一年。夏桀無道，商湯放桀于南巢田地裏，夏之天下盡歸於商。湯王立國爲商，傳三十代，享國得六百二十九年。紂王無道，周武王伐紂于孟津田地裏，併商天下，立國爲周。自武王至幽王時分喚作西周，自平王至赧王時分喚作東周。

二周雖傳三十五代，享國得八百六十七年，自傳到那第十三代的君王喚做平王，那時周室衰微，諸侯強勇。平王雖居尊位做天子，但王室蕩無綱紀，甚至下堂而見諸侯。孔夫子爲

見平王身爲天子，自統六軍伐鄭。那鄭伯無君，身爲周家卿士，自率諸軍敵王，在那地名繻葛田地交戰。被鄭伯射着一箭，恰好射中平王左肩。孔夫子是春秋世儒道的宗師，要扶持這三綱五常。見那時王綱頽壞，爲君底失爲君之道，侯國強梁，爲臣底失爲臣之禮。怕天下後世亂臣賊子爭效這個模樣，便使三綱淪而九法斲，不成世界。不免將那直筆，把那時一十二國，共有二百四十二年的事迹，著一部史書，喚做『春秋』，從平王時事爲頭，有善事底褒獎它，使人知勸；有惡事底貶責它，使人知怕。怎知世變推遷，春秋五伯之後，又有戰國七雄，天下龍爭虎戰，干戈塗炭，未肯休歇。且說那戰國七雄是兀誰？詩曰：

兩周分治各西東，十二諸侯互戰攻；

未有真人來一統，奈何七國又爭雄！

那七國者：秦、韓、魏、楚、燕、齊、趙也。秦姓嬴氏，周武王時封。秦至武公、惠公時分始僭稱王。此秦國也。

韓虔世代仕晉，在威烈王時分，韓虔求做諸侯，分晉國自立爲韓。此韓國也。

魏斯世代仕晉，在威烈王時，魏斯求做諸侯，分晉國自立爲魏。此魏國也。

趙籍世代仕晉，在威烈王時，趙籍求做諸侯，分晉國，自立做趙。此趙國也。

史謂三家分晉，是說這韓、趙、魏也。

那周安王時，田和有功，封於齊，是爲齊國。那薊北燕王姓姬氏，自周武王時分，封爲燕國。那襄郢楚王姓芊氏，周成王時分，封爲楚王；至那負芻時分，凡十世，爲楚國。

這個七國，當初互爲雄長，在後見秦國強大，那六國結縱合橫，以拒強秦。奈何縱解橫散，被秦始皇吞併做一統天下。唐賢杜牧做那『阿房賦』，末後說得最好。說個甚的？杜牧『阿房賦』後一段道是：

嗚呼，滅六國者，六國也，非秦也。族秦者，秦也，非天下也。嗟夫，使六國各愛其人，則足以拒秦。秦復愛六國之人，則遞三世可至萬世而爲君，誰得而族滅也？秦人不暇自哀，而後人哀之；後人哀之而不能鑑之，亦使後人復哀後人也！

話說昔日秦始皇政者，莊襄王子也。始皇無道，南取百粵，北築長城，東填大海，西建阿房，坑儒焚書，使天下人民不安。不修國政，併吞諸侯，荒荒離亂。始皇欲立萬世爲君，遍遊天下，來到沙丘，帝崩。怕天下諸侯有變，不敢發喪，背地裏將鑾輦車載屍，與鮑魚相雜。

趙高與李斯商量詐作詔書，差使命往長城殺太子扶蘇並那蒙恬，却立二世爲君。在後趙高引軍闖入內，殺胡亥，立三世子嬰爲君。子嬰懦弱，托病不出宮。趙高弄權，指鹿爲馬，

欺壓羣臣。趙高入內探帝病，子嬰殺趙高。有胡曾詩爲證。詩曰：

漢祖西征秉白旄，子嬰宗廟起波濤；

可憐君有翻身術，兼向秦宮殺趙高。

在後，天降聖人，漢高祖劉邦領兵入關，系頸以組，封皇帝璽，降於枳道。這頭回且說個大略，詳細根原，後回便見。

話說秦六年，始皇帝登殿，集大臣文武至殿下，分兩班，山呼萬歲畢，始皇向羣臣道：『寡人登極之後，今已六年，有那齊、燕、魏、趙、韓、楚六國未肯伏。我欲削平六國，使天下爲一統。卿等有何計策？』當有一大臣司馬欣出班奏曰：『陛下若論七國，則國勢均平；若論氣力，則秦爲上國。何不發使命，賁國書，威伏六國，令它拱手來降。納土於秦，免得戰爭如何？不來者，差軍發將，取之未遲。』帝聞奏大悅，聖旨問：『班中有誰人可充使命？』賁國書前往齊、燕、魏、趙、韓、楚諸邦游說諸侯，早獻地圖納降，免得干戈，百姓枉遭塗炭。這是一項好底勾當。』那時有秦公子名曰少官，他自請賁此國書游說六國。始皇大悅，分付國書與公子少官。那書道是：

『秦王致書于齊、燕、魏、趙、韓、楚六國大王殿下：秦與諸王兄弟國也，勢均體敵，相

與北面以事周，積有年代。朝會天王之時，推秦爲盟主，歃血而誓，各守本國疆界，綏懷國內人民。我無爾詐，爾無我虞。休萌戰攻侵伐之謀，共享安淨和平之福。屬者蘇秦、張儀，馳騁辯口，離間諸國，私自結縱合橫，各有吞噬上國之謀。寡人知之久矣，念欲興問罪之師，實以盟會之言猶在耳，未忍寒盟，遽爲此舉。諸王何不量力度德，自思您土地、人民，與吾國孰強孰弱？您兵師、車馬與吾國孰寡孰多？您財帛、金寶與吾國孰豐孰嗇？堂堂報王，尙且臣附於莊王之世，您自思諸國勢力比報王爲何如？猶敢憑陵大國，不肯臣附？今遣公子少官來諸國議事，若大王圖全社稷，則輸款投誠，以輿地來獻，使四海一家，則您世受王爵，爲秦藩臣，保有宗祀，世世不絕。生靈免塗炭之災，兵師有息肩之日。惟大王實圖利之。若負固不悛，執迷不返，則命將遣師，剿平諸國，如疾風之摧敗葉，嚴霜之壓枯葦，惟寡人所欲耳。彼時噬臍，悔之何及！」

六國王接得秦國始皇書，各各開看。其別無話，只是秦帝克伏諸國來降，諸王不悅。有楚襄王，國書會五國王子，會議併秦。遣使者往齊、燕、魏、趙、韓邦通上國書，尅日到楚議事。諸國王接了楚襄王書開看，尅日車駕起程。齊王、魏景闕王、韓威惠王、燕孝王、趙孝成王皆

到楚地，入朝施禮畢。各奉命而來，楚王安排茶飯，把盞已畢，楚王與諸王言道：「聞秦王遣使齎書克伏諸國□□□。這事怎地？」春申君奏曰：「臣請大王助兵伐秦。」趙王御前李牧進奏諸王：「諸王助兵，望陛下依臣所奏。」楚王大悅，賞御酒犒設李牧：「將軍，您言是也。」各助兵三萬。

楚令項梁爲將，齊遣鄒闔爲將，韓遣馮亭爲將，燕遣孫虎爲將。楚襄王親爲招討。尅日，兵至函谷關，會合諸國人馬。諸國大王各歸本國，點集雄兵猛將，往路中函谷關相會。楚王車駕起行，爲招討，預先在關等候。

至日，趙有李牧、張耳、陳申，發兵三萬，到關參拜楚王。齊有田儋、鄒闔、鄒興，集兵三萬，至關。韓有馮亭、周光、霍雄，領兵三萬，至關。魏有周霸、鄭安成、龍離，足統兵三萬。燕有孫虎、韓廣、景耀，龍押兵三萬，至關。各各參見楚王。楚王見諸國兵齊將集，大悅，出宣命，定賞罰：有人生擒秦邦一將者，與千金，能獲秦始皇者，與諸王共封爲六國萬戶侯。諸將歡聲如雷。

古云：重賞之下，必有勇夫。軍中擡出一員猛將，絳袍朱髮，赤馬紅纓，身披黃金鎖子甲，御前奏楚王道：「奴婢爲先鋒，攻破秦邦，生擒秦將，活捉秦皇。」此人是誰？乃魏國三代將

門之子，鄭安平之兒，姓鄭，雙名安成。楚王見了大喜。忽班部中撞出一將，身長九尺，面赤髯黃，穿紅袍，白玉帶，銀鎖甲，金弁冠，願爲先鋒，與鄭安成比試。此人是誰？乃齊國鄒閭將軍也。楚王問諸將：『那兩個要做先鋒，怎生區處是得？』那李牧、馮亭、項梁三將奏曰：『先鋒不可便付與二將，須索交他二個比試，決個勝負，與先鋒印者。』楚王依奏，便令二將比試，勝的掛先鋒印。

二人聽得言語，上馬分陣，各擂鼓響。楚王與諸將看爭先鋒。左邊撞出鄭安成，右畔撞出鄒閭。二將馬交，約鬥三十餘合，只見鄭安成敗走，那鄒閭一向趕上。鄭安成暗取套索。鄒閭亦取套索，撇起，去套住鄭安成。鄭安成亦套住鄒閭。二人相拒之際，不防人叢中放一冷箭，把那套索射斷。衆人大駭。

李牧向前問：『放冷箭是誰？』道聲未了，見幾個軍把一年少後生推出來。李牧覷了大駭，見身上藍縷，志氣猶存。三代將門子，累世先鋒兒。是梁國秦明之孫，姓秦名斌，落於軍中爲小卒。

李牧引秦斌至楚王駕前，奏曰：『大王適間令鄭安成、鄒閭比試先鋒，各人套索不開。有小兵放冷箭射斷套索，乃是昔日十二國內梁邦秦明上將之孫，姓秦名斌。奴婢舉此人爲先

鋒，望陛下從允。」楚襄王曰：「這廝有這般武藝！」遂賜秦斌掛先鋒印。

班部中撞出一將，身披柳葉甲，銀盔蓋頂，奏道：「大王不可將先鋒印分付秦斌！」楚王擡眼一覷，乃是燕國景耀龍來奏稱：「秦斌乃是敗國之臣，未可賜與先鋒。奴婢乞與秦斌比試。」

那時，景耀龍打扮銀盔蓋頂，身披水磨柳葉甲，肩擔一口三尖刀。秦斌亦未有衣甲器械。李牧把衣甲馬刀借與秦斌，打扮了出陣。二將有如水裏搶珠龍，二騎交鋒，有似岩前爭食虎。鬥經二十餘合，秦斌詐敗，景耀龍趕上前，馬不去，秦斌將刀撇砍，景耀龍迎刀斬落。二刀並舉，雙刃齊施。二將把刀對敵舉落，二人齊將之放。二將迎前拽相。楚王看見大喜，傳令齊賜先鋒者。二將各下馬拜謝楚王。楚王問諸將：「賜那個將軍爲正先鋒？」項梁奏曰：「願與秦斌爲正先鋒，景耀龍爲副先鋒者。」二將領兵前往秦城京兆府。詩曰：

秦謀一統禍臨城，楚領三軍并伐秦；

猛將雄兵皆用命，生靈塗炭漲氛塵。

話說李斯奏始皇帝曰：「陛下，今有荆楚襄王爲招討，合諸國兵馬約二十餘萬，猛將數十員，兵臨城下，將至濠前。取王聖旨。」秦皇大驚曰：「朕謀天下，併吞一統，豈期諸邦會兵來

侵吾國！』勅問文武官僚：『誰退諸邦兵馬？如有功者，必加官賞。』當有王翦出班奏曰：『陛下休慮，雖有諸國二十餘萬兵將，小臣乞兵二萬，令李彪、伊虎爲將，臣爲主將，退諸國來兵，保王社稷無虞。』始皇大悅：『全仗卿在有意者。』

王翦在演武亭交兵二萬，出城外下寨。景耀龍先鋒排下二龍爭珠陣。李彪排下半天撒網陣。二將監軍施禮畢，李彪曰：『秦斌，你等因甚興兵來侵吾國？您若會事之時，出陣一戰，可決勝負。』秦斌答曰：『奉楚王命，并諸國王命，因爲始皇無道，謀吞六國，遣使來投護書，脅令諸邦納土，意圖六合混一。是致諸國大王合縱兵至。』李彪言：『兵臨渭河，可以一戰。』秦斌怒道：『渭河之兵何能爲！待我伐秦爲荒草之地！』李彪大怒：『叵耐小邦結黨侵凌大國，待教諸國一兵片甲不回。』道了，二騎便鬥。詩曰：

二馬騁英豪，凌雲殺氣高；

非但智門智，全憑刀門刀。

二馬挑戰，三十餘合，秦斌敗走。李彪趕將來，殺敗三軍。副先鋒景耀龍身穿黃金鎖子甲，體掛皂羅袍，頭上鐵幘頭，燕尾交加，黑霧纏身罩體，坐下跨一抱月烏騮，肩擔一條清風利槍，腕懸一百廿斤竹節鋼鞭，出陣與秦將打話。